



**Breheimen
nasjonalparkstyre**

Postadresse
Postboks 987
2604 LILLEHAMMER

Besøksadresse
Skjåk utmarkssenter (v/Skjåk
Almenning), 2690 Skjåk og
Luster kommune,
Kommunehuset, 6868 Gaupne

Kontakt
Sentralbord: +47 61 26 60 00
Direkte: +47 61 26 62 10
sfinpost@statsforvalteren.no
<http://www.nasjonalparkstyre.no/breheimen>

Reinheimen - Breheimen Villreinutvalg
v/ Knut Granum
Skjåkvegen 400
2690 SKJÅK

Saksbehandler Stein Magne Grevrusten

Vår ref. 2019/12393-10 432.3

Dykkar ref.

Dato 22.06.2021

Delegert vedtak - Breheimen NP m.fl. - Disposisjon - Motorferdsel - 2021 - 2024 - Registrering av villrein med snøskuter, helikopter, drone og/eller småfly - Reinheimen- Breheimen Villreinutvalg v/ Knut Granum

Vedtak

I samsvar med delegasjonsfullmakt frå Breheimen nasjonalparkstyre gjev
nasjonalparkforvaltaren Reinheimen - Breheimen Villreinutvalg løyve til følgande:

- 1. Bruk av helikopter eller småfly** i Breheimen nasjonalpark, Høydalen
landskapsvernområde, Mysubytta landskapsvernområde, Strynefjellet
landskapsvernområde og Mørkridsdalen landskapsvernområde. Løyvet gjeld lågflying
for teljing av villrein og registrering av villreinen sin områdebruk.

Løyvet er gjeve med heimel i verneforskriftene for Breheimen nasjonalpark (§ 3 pkt. 6.3
bokstav c), Strynefjellet landskapsvernområde, (§ 3 pkt. 6.3 bokstav f og
naturmangfaldlova § 48 fyrste alternativ), Mysubytta landskapsvernområde (§ 3 pkt. 6.3
bokstav g), Høydalen landskapsvernområde (§ 3. bokstav g) og Mørkridsdalen
landskapsvernområde (naturmangfaldlova § 48 fyrste alternativ).

- Løyvet til bruk av luftfartøy gjeld også for personell frå NINA som opptre på
Reinheimen - Breheimen Villreinutvalg sine vegner i forhold til villreinteljing.
- Det blir gjeve løyve til inntil 4 turar med luftfartøy kvart år
- For **minimumsteljing** gjeld løyvet i perioden 15. januar – 20. april i 2021, 2022,
2023, 2024.
- For **kalvteljing** gjeld løyvet i perioden 10. juni - 20. juli i 2021, 2022, 2023 og 2024.
- Flyginga skal avgrensast til det som er strengt nødvendig.

Nasjonalpark	Breheimen
Naturreservat	Høyrokampen
Landskapsvernområde	Strynefjellet, Mysubytta, Høydalen, Mørkridsdalen, Vigdalen



- Det skal gjevast melding til lokalt SNO (Øyvind Angard: 917 33 365, eller Liv Byrkjeland: 958 74 196) om motorferdsla på SMS seinast dagen før.
- Løyvet til motorferdsel og køyrebok skal vere med under transporten. Køyrebok skal fyllast ut før kvar tur.
- Køyrebok og kart over fly/helikopterruter skal sendast forvaltningsmyndigheita innan 15. desember kvart år.
- Forvaltningsmyndigheita skal ha tilsendt oversikt over villreinen sin områdebruk i Ottadalen sør etter at flyteljingane er avslutta.

2. Bruk av ein snøskuter ved suppleringssteljing av villrein i Breheimen nasjonalpark, Høydalen landskapsvernområde, Mysubytta landskapsvernområde, Strynefjellet landskapsvernområde og Mørkridsdalen landskapsvernområde. Løyvet gjeld for teljing av villrein og registrering av villreinen sin områdebruk.

Løyvet er gjeve med heimel i verneforskriftene for Breheimen nasjonalpark (§ 3 pkt. 6.3 bokstav c), Strynefjellet landskapsvernområde, (naturmangfaldlova § 48 fyrste alternativ), Mysubytta landskapsvernområde (§ 3 pkt. 6.3 bokstav g), Høydalen landskapsvernområde (§ 3. bokstav g) og Mørkridsdalen landskapsvernområde (naturmangfaldlova § 48 fyrste alternativ).

Følgande vilkår gjeld:

- Løyve til bruk av snøskuter gjeld for sekretæren i Villreinutvalet ved suppleringssteljing. Ved eventuell endring av sjåfør skal det sendast varsel om dette til forvaltningsmyndigheita.
- Det blir gjeve løyve til inntil 4 turar med snøskuter for suppleringssteljing kvart år.
- Løyvet for bruk av snøskuter gjeld i perioden 15. januar - 20. april for åra 2021, 2022, 2023 og 2024.
- Køyringa skal avgrensast til det som er strengt nødvendig.
- For å redusere talet på turar med snøskuter til eit minimum må det vera god koordinasjon og kommunikasjon mellom Statens naturoppsyn og sekretæren i Reinheimen - Breheimen villreinutvalg.
- Det skal gjevast melding til lokalt SNO (Øyvind Angard: 917 33 365, eller Liv Byrkjeland: 958 74 196) om motorferdsla på SMS seinast dagen før.
- Løyvet til motorferdsel og køyrebok skal vere med under transporten. Køyrebok skal fyllast ut før kvar tur.
- Køyrebok skal sendast forvaltningsmyndigheita innan 15. desember kvart år.

3. Bruk av drone til kalveteljing og strukturteljing av villrein i Breheimen nasjonalpark, Høydalen landskapsvernområde, Mysubytta landskapsvernområde, Strynefjellet landskapsvernområde og Mørkridsdalen landskapsvernområde.



Løyvet er gjeve med heimel i naturmangfaldlova § 48 fyrste ledd, fyrste alternativ.

Følgjande vilkår gjeld:

- For **kalvteljing** gjeld løyvet i perioden 10. juni – 20. juli i 2021, 2022, 2023, 2024.
- For **struktureljing** gjeld løyvet i perioden 15. september - 20. oktober i 2021, 2022, 2023 og 2024.
- Flyginga skal avgrensast til det som er strengt nødvendig.
- Drona skal haldast så høgt som mogleg innanfor gjeldande lovverk for å redusere risikoen for forstyrring av villreinen.
- Droneflyginga skal utførast av godkjente flygarar med erfaring i bruk av drone.
- Det skal gjevast melding til lokalt SNO (Øyvind Angard: 917 33 365, eller Liv Byrkjeland: 958 74 196) om flyginga på SMS seinast dagen før.
- Nasjonalparkforvaltninga skal etter kvart år ha ein kortfatta rapport om kvar flyginga har skjedd, samla omfang av flyging og positive/negative erfaringar frå utprøvinga med bruk av drone. Frist: 15. desember kvart år.

NB!

Dette løyvet avløyser tidlegare løyve med saksnummer 2019/12393-2 og 2019/12393-3.

Vi gjer oppmerksam på at løyvet berre gjeld i forhold til naturmangfaldlova og verneforskrifta for Breheimen nasjonalpark, Mysubytta landskapsvernområde, Strynefjellet landskapsvernområde, Høydalen landskapsvernområde og Mørkridsdalen landskapsvernområde. Søkjar er sjølv ansvarleg for å innhente løyve etter anna lovverk frå kommune og grunneigar.

Vedtaket kan klagast inn for Miljødirektoratet av ein part eller andre med rettsleg klageinteresse, jf. forvaltningslova § 28. Frist for klage er tre veker frå vedtaket er motteke. Ei eventuell klage stilast til Miljødirektoratet, men sendast til Breheimen nasjonalparkstyre.

Dokument i saka:

- Ny revidert søknad om bruk av drone/helikopter/småfly/snøskuter frå Reinheimen-Breheimen Villreinutval, datert 28. oktober 2020 v/ sekretær Knut Granum.
- Tidlegare løyve til bruk av helikopter/småfly/drone med saksnummer 2019/12393-2 og 2019/12393-3.
- Søknad om bruk av drone frå Reinheimen-Breheimen Villreinutval, datert 9. mai 2019 v/ sekretær Knut Granum.
- Søknad om bruk av helikopter/småfly/snøskuter frå Reinheimen-Breheimen Villreinutval, datert 09.05.2019 v/ sekretær Knut Granum.



Søknaden

Delar av søknaden er attgjeven nedanfor:

Reinheimen-Breheimen villreinutvalg søker med dette om endret/utvidet periode for bruk av helikopter/småfly/snøskuter i Reinheimen-Breheimen villreinområde til :

15.01. – 20.04. gjeldende for årene 2021-2025. (Evt. flere år)

Reinheimen-Breheimen villreinutvalg søker med dette om endret/utvidet periode for bruk av helikopter/småfly/drone i Reinheimen-Breheimen villreinområde til kalvetelling:

10.06. – 20.07. gjeldende for årene 2021-2025. (Evt. flere år)

Reinheimen-Breheimen villreinutvalg søker med dette om bruk av drone i Reinheimen-Breheimen villreinområde til strukturtelling:

15.09. – 20.10. gjeldende for årene 2021-2025. (Evt. flere år)

Denne saka samlar tidlegare løyve med saksnummer 2019/12393-2 og 2019/12393-3 for at det skal bli betre oversikt over dei ulike løyva til Reinheimen-Breheimen Villreinutvalg.

Heimelsgrunnlag

Delegering

Miljøverndepartementet har i brev av 1. februar 2011 delegert forvaltningsmynde for Breheimen nasjonalpark til Breheimen nasjonalparkstyre. Dette er gjort med medhald i naturmangfaldlova § 62.

I medhald av styresak 7/2016 og styresak 2/2020 har Breheimen nasjonalparkstyre gjort vedtak om å delegere behandling av enkelte saker til nasjonalparkforvaltaren. Dette er gjort med heimel i nasjonalparkstyrets vedtekter. Vedtaket gjev nasjonalparkforvaltarane i Breheimen myndigheit til å treffe vedtak i saker som gjeld søknad om løyve etter verneforskriftenes spesifiserte dispensasjonsbestemmingar, samt kurante saker etter naturmangfaldlova § 48 for verneområda i Breheimen.

Verneforskrift og verneformål

Tiltaket kan omfatte motorferdsel både i nasjonalparken og i 4 landskapsvernområde. Omsynet til verneverdiane i området er vurdert, særleg i forhold til dyrelivet og friluftsliv som er mest relevant i dette tilfellet, jf. verneforskrifta § 2 og naturmangfaldlova § § 1, 4 og 5 samt § 7, jf. §§ 8-12.

Føremålet med Breheimen nasjonalpark er mellom anna:

- *ta vare på leveområde til villreinstammen i Ottadalen villreinområde.*

For Strynefjellet landskapsvernområde:

- *ta vare på biologisk mangfald i området, med særleg vekt på leveområde og trekkområde for villreinstammen i Ottadalen villreinområde.*



For Høydalen landskapsvernområde:

- *ta vare på biologisk mangfold som pregar landskapet.*

For Mysubytta landskapsvernområde:

- *ta vare på eit stort samanhengande naturområde med rikt dyre- og planteliv som pregar landskapet.*

For Mørkridsdalen landskapsvernområde:

- *å ta vare på eit natur- og kulturlandskap med økologisk verdi, kulturell verdi og opplevingsverdi og som er identitetsskapande.*

Etter verneforskriftene for Breheimen nasjonalpark og landskapsvernområda Strynefjellet, Mysubytta, Høydalen og Mørkridsdalen er motorferdsel på land, på vatn og i lufta under 300 m frå bakken forbode (verneforskriftene § 3 pkt. 6.1), med unntak gjeve i pkt. 6.2 og 6.3.

Forvaltningsmyndigheita kan gje løyve til bl.a.:

- *"bruk av snøskuter eller flyging lågare enn 300m over bakken i samband med leiting etter beitedyr og teljing av dyr" (§ 3 pkt. 6.3 bokstav c i verneforskrifta for Breheimen nasjonalpark, § 3 pkt. 6.3 bokstav g, i verneforskrifta for Mysubytta landskapsvernområde og § 3 pkt. 6.3 bokstav g, i verneforskrifta for Høydalen landskapsvernområde).*
- *"flyging lågare enn 300 m over bakken i samband med leiting etter beitedyr og teljing av dyr" (§ 3 pkt. 6.3 bokstav f, i verneforskrifta for Strynefjellet landskapsvernområde).*

I verneforskrifta for Strynefjellet landskapsvernområde er det ikkje spesifisert heimel for å kunne gje dispensasjon til bruk av snøskuter i forbindelse med slik teljing. I Mørkridsdalen landskapsvernområde er det ikkje spesifisert heimel for å kunne gje dispensasjon til slik teljing med luftfartøy eller snøskuter. Forvaltningsstyresmakta kan, dersom det er behov, gjeve unntak frå forskrifta i spesielle tilfelle - *dersom tiltaket ikkje strir mot formålet med vernevedtaket og ikkje kan påverke verneverdiane nemneverdig, eller dersom omsynet til tryggleik og vesentlege samfunnsinteresser gjerdet nødvendig*, (verneforskrifta for Strynefjellet landskapsvernområde når det gjeld bruk av snøskuter og verneforskrifta for Mørkridsdalen landskapsvernområde for både snøskuter og luftfartøy, § 4 jf. naturmangfaldlova § 48)

Etter lov om motorferdsel i utmark (motorferdselslova) er små luftfartøy som drone ikkje omfatta av lova, da motorferdselslova berre omfattar farkostar som er store nok til å frakte ein person. I verneforskriftene for Breheimen nasjonalpark er det eit anna punkt som regulerer bruk av drone. Etter verneforskrifta § 3 pkt. 7.3 for nasjonalparken heiter det: *«Unødig støy er forbode. Bruk av motordrivne modellfly o.l. er forbode. Dette er ikkje til hinder for bruk av motorisert isbor i samband med fiskekultivering»*. Det blir tolka slik at



dronar er omfatta av denne regelen, jf. forvaltningsplan for Breheimen nasjonalpark med tilgrensande verneområde.

Det er altså ikkje nokon spesifisert unntaksregel for bruk av drone i verneforskriftene, og ein søknad om dispensasjon krev difor behandling etter den generelle dispensasjonsheimelen i § 4, jf. naturmangfaldlova § 48.

Forvaltningsplan

I forvaltningsplanen for verneområda i Breheimen står følgande retningslinjer for motorferdsel i forbindelse med teljing av villrein:

Etter søknad kan forvaltingsstyresmakta gje løyve til bruk av snøskuter eller helikopter for teljing av villrein i Breheimen nasjonalpark, Mysubytta landskapsvernområde og i Høydalen landskapsvernområde. I Strynefjellet landskapsvernområde kan ein gje løyve til bruk av helikopter til teljing av villrein. Søknad om bruk av snøskuter til teljing av villrein i Strynefjellet landskapsvernområde vil bli handsama etter dei generelle dispensasjonsreglane i § 4 i verneforskrifta.

Teljing av dyr omfattar også kartlegging av områdebruken til villrein når det er naudsynt for ei god forvaltning av stamma.

Teljing av dyr er aktuelt for overvaking av villreinstammen i området, og det er pårekneleg at det vil bli gjeve løyve.

Dersom det oppstår behov for dispensasjon til teljing av villrein i Vigdalen- og Mørkridsdalen landskapsvernområde, vil det vere aktuelt å vurdere ein søknad etter den generelle dispensasjonsheimelen i § 4.

Det er aktuelt å gje løyve tidsavgrensa til 4 år om gongen. Det må søkjast om fornying innan utløpet av løyveperioden.

I forvaltningsplanen for Breheimen nasjonalpark og tilgrensande verneområde er bruk av drone omtala slik:

Retningslinjer for forvaltning og bruk.

All ureining og forsøpling av vassdrag og naturen elles er forbode i verneområda. Det medfører m.a. at: Unødig støy er forbode. Det er m.a. forbod mot bruk av motordrivne modellfly og modellbåt i nasjonalparken og i landskapsvernområda. Dette forbodet omfattar også droner.

Naturmangfaldlova

Omsynet til verneverdiane i området blir vurdert, særleg i forhold til landskap, dyreliv og friluftsliv, jf. verneforskrifta § 2 og naturmangfaldlova §§ 1(Føremål), 4 og 5 (forvaltningsmål



for naturtypar, økosystem og artar), samt § 7 (prinsipp for å ta offentleg avgjerd), jf. §§ 8-12 (kunnskapsgrunnlaget og miljørettslege prinsipp).

Vurdering

Noreg har eit spesielt ansvar for villreinen som art, og Reinheimen - Breheimen villreinområde er utpeika som eit av dei nasjonale villreinområda. Det har svært mykje å seie at leveområdet for villreinen blir sikra mot inngrep og forstyrningar. Breheimen representerer eit av dei aller siste villreinområda i Europa med store areal intakt utmark med liten grad av inngrep. Reinheimen - Breheimen villreinområde er det villreinarealet i Noreg med prosentvis størst urørd areal (48%).

Å ta vare på villreinen er ein del av verneformålet i Breheimen nasjonalpark/Strynefjellet landskapsvernområde, jf. verneforskriftene § 2. Her er det nedfelt som formål å ta vare på leveområdet og trekkområda til villreinstammen i Ottadalen sør. Ei av hovudoppgåvene til villreinutvalet er knytt til bestandsforvaltning med gjennomføring av teljingar og registreringar, samt å fremje forslag til årlege fellingskvotar til villreinnemnda. God kunnskap om villreinstammen, slik som totalteljingar og strukturteljingar, er heilt grunnleggande for å kunne drive ei god forvaltning. Bruk av fly eller helikopter og snøskuter for teljing av villreinen i Reinheimen - Breheimen villreinområde har vore vanleg praksis heilt attende til 1966 da området vart oppretta. Villreinutvalet samarbeider tett med lokalt Statens Naturoppsyn (SNO) i Breheimen og Reinheimen om opplegget. SNO-personell har eigen heimel i naturoppsynslova for utføring av slike oppgåver.

Nasjonalparkforvaltar meiner at det er tilstrekkeleg kunnskap om området og konsekvensane av å bruke helikopter/småfly/snøskuter til dette formålet. Med bakgrunn i forvaltningsplanen for Breheimen, databasar (InnlandsGIS, Naturbasen og Artsdatabanken), ulike naturfaglege rapportar og generell kunnskap om området, er det god oversikt over kva som kan påverke natur og miljø negativt. For å ivareta naturmiljøet kan forvaltningsmyndigheita bl.a. stille villkår som har som formål å avgrense ein eventuell skadeverknad av eit eventuelt løyve. Dei positive sidene ved tiltaket er store sidan dei forsterkar og gjev kontinuerleg ny kunnskap om reinen sin områdebruk, storleiken på stammen og bestandstrukturen. Flyging vil ta nokre timar to gonger i året og supplert med nokre få turar frå SNO/sekretær i Villreinutvalet på snøskuter.

Det er ikkje heimel i verneforskrifta for Strynefjellet landskapsvernområde for bruk av snøskuter til teljing av dyr. I Mørkridsdalen landskapsvernområde er det heller ikkje heimel for bruk av snøskuter eller helikopter til dette formålet. Denne delen av søknaden må derfor vurderast etter § 48 i naturmangfaldlova. Tiltaket med bruk av snøskuter er meint å vera eit supplement til bruk av luftfartøy under teljinga. Det kan vera meldt om flokkar/dyr som ikkje er telt og da må ein leite opp og gjennomføre ei bakketeljing. Det er sjeldan rein i området i Mørkridsdalen. Det er ikkje behov for mange slike turar i samband med teljinga. Men det kan vera viktig for å få gode nok tal på storleiken av bestanden for å følgje opp og ta vare på villreinen som ein del av verneføremålet. Det vil vera av stor nytte for å få mest mogleg sikre



tal på kor stor villreinstammen er for å kunne leggje opp til ei forsvarleg avskyting under jakta. Det er også viktig for nasjonalparkforvaltninga å få informasjon om bestandsstorleiken. Det er ikkje avdekt ulemper med denne praksisen som er gjennomprøvd over lang tid.

I Breheimen nasjonalpark er det behandla fleire søknader om bruk av drone dei siste åra. Søknadane er knytt til ymse former for dokumentasjon og kartlegging, kunnskapsformidling om naturverdiar osv. Det blir bl.a. ikkje gjeve dispensasjon til bruk av drone til private formål. Føremålet med denne søknaden om bruk av drone er knytt opp mot strukturteljing og kalveteljing.

I brev datert 06.03.2019 frå Miljødirektoratet til nasjonalpark- og verneområdestyre og kommunar med forvaltningsmynde omtalast bruk av drone i verneområde, m.a.;

Ulempene og skadepotensialet med bruk av droner er vel kjent, både i forhold til friluftsliv og dyreliv. Samtidig kan bruk av droner ha stor nytteverdi, f.eks. ved bruk i naturforvaltning og ulike typer næringsvirksomhet. Dette gjelder ikke minst når bruk av droner kan redusere kjøring på barmark eller redusere bruken av fly/helikopter.

Vidare er særskilt dispensasjon omtalt:

For områder med forbud mot bruk av droner kan det både for tamreindrift, saueneæring, oppsynsvirksomhet mv vurderes å gi dispensasjon etter naturmangfoldloven § 48. De vurderingene som skal gjøres av hjemmelsforhold, naturtilstand, sårbarhet og skjønnsmessige forhold fremgår generelt av Miljødirektoratets "Rundskriv om forvaltning av verneforskrifter".

Verneverdiane i Breheimen nasjonalpark er i stor grad knytt til naturverdiar, og bruk av drone kan virke negativt på fauna i sårbare periodar som kalving og hekking. Rovfugl og villrein er særleg utsett. I tillegg kan støy frå drone vera til ulempe for folk som utøver friluftsliv i området.

Bruk av drone i villreinregistrering er relativt nytt, men det er hausta erfaringar m.a. frå Rondane sør. I bladet Villreinen 2019 er det publisert ein artikkel om bruk av drone som alternativ til bruk av fly og helikopter. Bruk av drone til minimumsteljing vart testa ut av fjelloppsynet i Ringebu og Solli i Rondane sør fyrste gongen i 2016. Dronane (to ulike typar) vart testa på ein fostringsflokk på over 1000 dyr og ein bukkeflokk på 20-30 dyr. Dette vart gjort ved at personell tok seg inn med snøskuter 4-500 meter frå flokkane før dronane vart flogge opp til tillat høgde på 120 meter over bakken og inn over flokkane. Reinen la merke til både dronane, og nokre dyr reiste seg og trakk saman, men det vart ikkje registrert nokon fluktreaksjon. Erfaringane var såpass gode at villreinutvalet investerte i utstyr og dei siste vintrane har drone erstatta bruk av småfly under minimumsteljing. Det er også testa ut under kalveteljing. Artikkelen konkluderer med at bruk av drone til villreinteljing verkar ikkje å uroe dyra i nemneverdig grad. Med tidlegare løyve til utprøving av drone til dette formålet har Reinheimen-Breheimen Villreinutvalg gjort liknande erfaringar i 2020.



Som tidlegare nemnt er det ikkje nokon spesifisert unntaksregel for denne typen tiltak i verneforskriftene, og ein søknad om dispensasjon krev difor behandling etter den generelle dispensasjonsheimelen i § 4, jf. naturmangfaldlova § 48. Naturmangfaldlova § 48 set svært strenge krav til når ein kan vurdere eventuell dispensasjon, og opnar for dette berre dersom tiltaket «*ikke strider mot verneformålet og ikke påvirker verneverdiene nevneverdig*». Både vilkåra må vere oppfylt. Det er ikkje automatikk i at dispensasjon må gjevast sjølv om vilkåra elles kan vera oppfylt. Skjønn og instruksar frå overordna styremakter spelar også inn. Dispensasjonsregelen i § 48 kan ikkje brukast for å utvide rammene som er gjevne i vernevedtaket (Kgl. res.), men er ein sikkerheitsventil som skal fange opp uføresette eller heilt spesielle tilfelle som ikkje vart vurdert på vernetidspunktet.

Nasjonalparkforvaltar meiner at det er tilstrekkeleg kunnskap om området og konsekvensane av å bruke drone til dette formålet. Ved bruk av drone her og i andre villreinområde er det opparbeida ein viss kunnskap om bruken av drone til denne type registreringsarbeid, men samstundes er det framleis lite erfaringsbasert kunnskap om bruk av drone til villreinregistreringar. God kunnskap om utvikling i bestandane er viktig for å sjå om måla i bestandsforvaltninga blir nådd. Ei god bestandsforvaltning er avgjerande for å ivareta villrein som verneverdi i Breheimen (§ 8).

Totalt sett for alle verneområda er det vurdert at dersom villkåra i saka blir følgt vil ikkje tiltaket påverke verneverdiane og verneformålet nemneverdig. Den samla belastninga som økosystemet blir utsett for er vurdert som liten og det er derfor ikkje nødvendig å ta i bruk *føre-var-prinsippet* i saka. Bruken av helikopter/småfly/snøskuter/drone er avgrensa i tid, og føremålet er å dokumentere bestanden av villrein. Nasjonalparkforvaltaren meiner at bruk av helikopter/småfly/snøskuter/drone i dette tilfelle ikkje vil påverke verneformålet eller verneverdiane nemneverdig. Det er vurdert at tiltaket ikkje vil skape uheldig presedens da Reinheimen - Breheimen Villreinutvalg er den einaste aktøren som driv med slik registrering i området (§§ 8-10).

Det er vurdert at tiltaket ikkje vil medføre miljøforringing, men tiltakshavar pliktar å iverksette dei tiltak som er nødvendig for å sikre at naturmangfaldet ikkje skal bli skadelidande. Om ikkje dette blir gjort, kan tiltakshavar bli pålagt å iverksette tiltak for å rette skaden i ettertid. Når det gjeld miljøforsvarlege teknikkar og driftsmetoder blir det vurdert at bruk av luftfartøy og snøskuter er det mest skånsame måten å utføre teljingane på. Det blir lagt vekt på å setja vilkår som regulerer verksemda for å unngå eventuell skade på natur og miljø (§§ 11-12).

Ut ifrå ei samla vurdering meiner nasjonalparkforvaltaren at tiltaket kan gjennomførast med dei vilkåra som er sett i løyvet.

Denne saka samlar tidlegare løyve med saksnummer 2019/12393-2 og 2019/12393-3 for at det skal bli betre oversikt over dei ulike løyva til Reinheimen-Breheimen Villreinutvalg. Dette løyvet avløyser derfor dei tidlegare løyva.



Med helsing

Stein Magne Grevrusten
nasjonalparkforvaltar

Etter våre rutinar er dette brevet godkjent og sendt utan underskrift

Kopi pr. e-post til:

Luster kommune

Lom kommune

Skjåk kommune

Skjåk Almenning

Lom fjellstyre

Luster fjellstyre

Statens naturoppsyn Breheimen v/ Øyvind Angard og Liv Byrkjeland

Fylkesmannen i Innlandet

Fylkesmannen i Vestlandet

Miljødirektoratet